

明史稿

列傳第十六

光祿大夫

經筵講官明史總纂戶部尚書加七級

臣王鴻緒奉

敕編撰

胡大海

耿再成

張德勝

汪興祖

趙德勝

附豫章康郎山兩廟忠臣

俞通海

弟通源通淵

桑世傑

廖永安

丁德興

茅成

楊國興劉成

胡深

孫興祖

曹良臣

濮英

嚴德孫虎等

胡大海字通甫虹人長身鐵面智力過人太祖初起大海走

謁於滁陽命爲前鋒從渡江與諸將畧地以功授右翼統軍
元帥宿衛帳下從破寧國命偕院判鄧愈戍之遂拔徽州畧
定績溪休寧婺源元將楊完者以十萬衆攻徽州大海戰城
下大破走之遂與鄧愈朱文忠自昱嶺關攻建德敗元援師
於淳安遂克建德再敗楊完者降溪洞兵三萬人進樞密院
判官引兵克蘭溪從取婺州遷僉樞密院事引兵下諸暨以
爲諸全州移兵攻紹興再破張士誠兵太祖以寧越重地召
大海於紹興使守之士誠將呂珍圍諸全大海救之珍堰水
灌城中大海奪堰反灌珍營珍勢蹙乃馬上折矢誓請各解
兵許之郎中王愷曰珍猾賊不可信不如因擊之大海曰言
出而背之不信旣縱而擊之不武師還人皆服其威信尋攻

處州守將石抹宜孫戰敗棄城走遂定處州七邑陳友諒寇
龍江命分兵信州以牽制之大海用王愷言親往遂克信州
以爲廣信府先是軍糧少初得郡縣將士皆徵糧於民名曰
寨糧民甚病之大海以爲言太祖始命罷去以大海爲江南
行省參知政事鎮金華初嚴州旣下苗將蔣英劉震李福皆
自桐廬來歸大海喜其驍勇留置麾下至是三人者謀作亂
震以大海遇已厚未忍發福曰舉大事寧顧私恩三八晨入
分省署英攜鐵槌袖中陽請大海觀弩於八詠樓下大海出
將上馬英遣其黨鍾矮子者跪馬前詐訴英過惡且曰蔣某
欲殺我大海未及荅反顧英英出槌中大海腦仆地遂殺之
又殺大海子關住及郎中愷大掠城中叛奔吳其後李文忠

攻杭州杭人執英以降太祖命誅英刺其血以祭大海大海
善用兵每自誦曰吾武人不知書惟知三事而已不殺人不
掠婦女不焚毀廬舍以是軍行遠近爭附之及聞大海死無
不流涕者大海嘗夜出兩目煜煜有光旣死敵兵犯境軍中
或夢大海若生時或覩炬火滿野洶洶有甲騎聲師出輒大
捷大海好士所至輒訪求豪雋劉基宋濂葉琛章溢之見聘
也大海實薦之後皆爲名臣追封越國公謚武莊肖像功臣
廟配享太廟初太祖克婺州禁釀酒大海子首犯之太祖怒
欲行法都事王愷諫曰大海方統兵征越宜宥其子太祖曰
寧可使大海叛我不可使我法不行竟手刃之及關汪復被
殺大海遂無後養子德濟字世美不詳其何許人大海率以

歸太祖從攻婺州爲誘兵大破元師於梅花門外擒其將季
彌章由是知名大海旣下信州太祖以德濟爲行樞密院同
僉使守之漢將李明道寇信州懼大海援分兵扼草平鎮德
濟告急大海由靈溪進德濟與明道力戰大海夾擊之擒明
道及其宜慰王漢二會大海爲蔣英所害而處州降將李祐
之亦殺院判耿再成以叛張士誠聞浙東亂遣其將呂珍寇
諸全德濟自信州往救之乘懈得入城與知州樂鳳院判謝
再興分門守夜過半出敵不意遇甲士斫珍營珍士馬大驚
擾相蹂躪死者無算珍遂遁去擢浙江行省參知政事移守
新城士誠將李伯昇率步騎大入寇德濟閉城門戒將士勿
輕關乞師於李文忠文忠馳抵龍潭距敵營不數里而軍密

語德濟旦日迎戰戰甫合文忠騎突入敵皆披靡城中兵乘之斬中首數萬燔燒營落數十伯昇復遁盡得其輜重於是太祖召德濟至建康褒諭之已又召文忠至詰以誅羅彥敬事彥敬者德濟行省都事德濟所部有潛移家入新城者文忠疑德濟使然乃誅彥敬欲微戒德濟其所部將士皆怒走激德濟德濟怡然曰右丞殺彥敬自爲廣信作戰衣有弊耳非爲我也再言者斬至是太祖責文忠失將士心且曰胡德濟之量汝不及也擢德濟浙江行省右丞賜駿馬未幾改左丞移鎮杭州從大將軍徐達出定西駐兵沈兒峪元人夜劫砦德濟失利大將軍斬其部將數人械至京師帝念舊功釋之復以爲都指揮使使鎮陝西卒樂鳳高郵人知諸全有能

聲方呂珍來攻與謝再興力守數出奇兵挫敵太祖嘉再興功爲元子文正娶其長女命徐達娶其幼女再興益驕部下私販鹽杭州帝誠諭之而以參軍李夢庚總制諸全軍馬再興忿夢庚出已上不樂鳳復以細故繩之遂叛殺鳳鳳妻王氏以身蔽鳳并殺之執夢庚降於士誠夢庚亦死之太祖以再興數有功叛非其志故鳳與夢庚皆不得卹云

耿再成字德甫五河人從太祖於濠從克泗滁州授鎮撫元兵圍六合太祖救之與再成守瓦梁壘數挫敵元兵攻滁太祖設伏澗側令再成誘敵大敗之從渡江破集慶鎮江擢元帥守鎮江克揚州守之進行樞密院判官守長興還守揚州從太祖取金華爲前鋒屯縉雲之黃龍山以遏敵衝與胡大

海破石抹宜孫於處州克其城守之宜孫來攻又擊敗之慶
元再成持軍嚴士卒出入民間蔬果無所損金華苗帥蔣英
等叛殺大海處州苗帥李祐之賀仁得等聞之亦作亂再成
方對客飲聞變上馬收戰卒不滿二十人迎賊罵曰賊奴國
家何負汝乃反賊爭刺再成再成揮劍連斷數槩兵及其頸
墮馬大罵不絕口死胡深等收其屍藁葬之後改葬金陵聚
寶山追封高陽郡公肖像功臣廟洪武三年冬大
封功臣加贈泗國公諡武壯子天璧聞父死糾部曲殺賊比
至李文忠已破賊斬之以天璧守處州方國珍據溫州張士
誠窺東陽皆討敗之權指揮副使克浦城搗建寧走陳友定
征襄陽進至西安招諭河州臨洮皆下改杭州指揮同知七

年出海捕倭深入外洋溺死

張德勝字仁輔合肥人。才畧雄邁。與俞通海等以舟師自巢來歸。從渡江克采石。太平陳瑄先來攻。與湯和等破擒之。授太平興國翼總管。破蠻子海牙水寨。從克集慶。破方山營。擒陳兆先。進克鎮江。授秦淮翼元帥。取常州。擢樞密院判克寧國。收長鎗兵。下太湖。畧馬蹟山。攻宜興。取馬歇沙及石牌寨。進僉樞密院事。趙普勝自樞陽寇池州。德勝往援。至則城已陷。還拔宜興。普勝復掠青陽。石埭。德勝與戰。柵江口。破走之。已復同通海擊敗其衆。遂復池州。進克浮山。砦擊走胡總管。追敗之。青山遂北。至潛山。陳友諒將郭泰逆戰。沙河破。斬之。遂克潛山。友諒攻龍興。德勝總舟師迎擊之。友諒軍大至。殺

傷相當德勝大呼麾諸將奮擊友諒軍披靡遂大敗與諸將
追及之慈湖縱火焚其舟至采石大戰沒於陳追封蔡國公
謚忠毅肖像功臣廟侑享太廟子宣幼養子興祖嗣職

興祖巢人本姓汪氏從德勝爲張旣嗣職從破安慶克江州
拔蕲黃取南昌祝宗康泰旣降而叛興祖從徐達擊定之從
援安豐大敗吳師鄱陽之戰與廖永忠等以六舟深入又邀
擊友諒於涇江口功最擢湖廣行省參政從平武昌還克廬
州分兵畧劉家港薄通州而還進大都督府僉事從達取淮
東下浙西進同知大都督府事從大軍北征別將衛軍由徐
州取山東克沂青東平守將遁追至東阿降其參政陳璘及
所部五萬餘人孔子五十六世孫衍聖公希學率曲阜知縣

希舉鄒縣主簿孟思諒等迎謁於軍門興祖禮之克東州縣
聞風皆下遂取濟寧守之又克濟南洪武元年以都督兼右
率府使從攻樂安克汴梁河洛還守濟寧與大將軍會師德
州克長蘆直沽率舟師並河進遂克元都徇下永平西取大
同將三衛卒守之再敗元兵斬獲無算靖德勝子宣已長命
爲宣武衛指揮同知而興祖復姓爲汪進克武朔二州獲元
知院馬廣等命爲晉王武傳兼山西行都督府僉事三年冬
封東勝侯祿千五百石以過奪誥券謫居海南旋召還令以
都督從征自效四年克征虜副將軍與前將軍傅友德合兵
伐蜀克階文乘勝至五里關蜀平章丁世宣據險以拒興祖
躍馬直前中飛石死蜀平詔都督興祖沒於三事優賞其子

授原封侯爵子世券興祖子幼命與宣同居以疾卒爵除福王時追諡興祖武愍

趙德勝濠人爲元義兵長馬上運槩如飛每戰短兵先登隸王忙哥麾下察其必敗會太祖興於餘德勝母在軍中乃棄其妻來從太祖喜賜之名爲帳前先鋒從取鐵佛岡攻三汊河破張家寨克全椒後河諸寨援六合中流矢幾殆剗鷄籠山盜搗烏江下和州含山夜襲陳埜先營拔板門鐵長官二寨遂取儀真授總管府先鋒從拔采石下太平克蕪湖句容溧水溧陽皆有功蠻子海牙柵采石磯斷淮西路從常遇春攻以奇兵乘之元將大敗破陳兆先營方山下集慶功最從徐達取鎮江破高軍水寨下丹陽金壇平寧國轉領軍先鋒

取廣德破張士誠水寨復從遇春攻常州叛軍圍達牛塘奮
擊破之廣德寧國叛以兵復之取江陰攻常熟張士德挑戰
生擒之從攻湖州宜興叛還兵定之擢中翼左副元帥攻池
州取青陽石埭無爲潛山從達征杭州士誠兵攻宜興擊却
之陳友諒犯龍江太祖命守虎口城城跨新河龍江第一關
也力戰破敵遂復太平下銅陵臨山寨略黃山橋及馬駄沙
征高郵有功進後翼統兵元帥從太祖西征破安慶水寨乘
風泝小孤山距九江五里友諒始知倉皇遁去遂克九江徇
黃梅廣濟克瑞昌臨江吉安還下安慶進克撫州取新淦討
南昌叛將復其城肩傷於礮授僉江南行樞密院事與朱文
正鄧愈共守南昌平羅友賢於池州破漢將於西山復臨江

吉安撫州未幾友諒大舉兵圍南昌德勝率所部數千背城
逆戰射殺其將敵大沮明日復合環城數匝友諒親督戰晝
夜攻城且壞德勝率諸將死戰且戰且築城壞復完暮坐城
門樓指揮士卒弩中腰脅鏃入六寸卽拔出之歎曰吾自壯
歲從軍傷矢石屢矣無重此者命也丈夫死不恨恨不能掃
清中原垂令名於竹帛耳言畢而絕年三十九追封梁國公
諡武桓列祀功臣廟配享太廟德勝剛直沈鷺馭下嚴肅號
令一行旗幟改色未嘗讀書臨機應變動合古法平居篤孝
友如修士友諒聞南昌八十五日先後死者凡十四人張子
明領兵千戶洪都圍久內外隔絕朱文正遣子明告急於應
天以東湖小漁舟從水關潛出夜行晝止半月始得達太祖

問友諒兵勢對曰兵雖盛戰死者不少今江水日涸賊巨艦將不利師久糧乏援至可破也太祖謂子明歸語而帥堅守一月吾自取之還至江口爲友諒所獲令誘降城中子明僞許之至城下大呼我張大舍已見主上令諸公堅守救且至賊怒攢槩刺之死追封忠節侯友諒攻撫州門城壞三十餘丈鄧愈豎木柵督諸將且戰且築於是樞密院判李繼先急戰死左翼元帥牛海龍突圍死左副元帥趙國旺引兵燒戰艦追者至投橋下死友諒復攻新城門管軍百戶徐明躍馬出射賊賊走追之墮阱中賊鈎取去誘降不從死軍士張德山夜半潛出城焚賊舟賊覺死夏茂成守城樓中飛礮死右副指揮劉齊右翼元帥同知朱潛統軍元帥許圭引兵取吉

安與友諒軍力戰死趙天麟守臨江友諒攻之城陷不屈死
祝宗康泰叛陷洪都知府葉琛與行省都事萬思誠迎戰皆
死事平贈子明等爵侯伯以下有差立忠臣廟於豫章并祠
十四人以德勝爲首而康郎山戰死者三十五人首丁普郎
丁普郎初爲陳友諒將守小孤太祖徇江州同傅友德來附
授行樞密院同知數有軍功友諒攻南昌太祖來援遇於鄱
陽湖七月巳丑兩軍搏戰自辰至午普郎身被十餘創首脫
猶執兵若戰狀直立舟中不仆敵驚爲神贈濟陽郡公張志
雄亦友諒將從趙普勝守安慶友諒殺普勝志雄怨降於龍
江爲樞密院判志雄素驍勇號長張至是舟檣折敵攢刺之
知不能脫遂自刎左副元帥余昶右元帥陳弼徐公輔皆以

其日戰沒先一日戊子左副指揮韓成元帥宋貴陳兆先戰沒兆先者堃先從子太祖下集慶擒之以其精兵備宿衛感帝大度效死力至是戰死成子觀至都督別有傳越四口辛卯聯舟大戰副元帥昌文貴左元帥李信王勝劉義死之八月壬戌扼友諒於涇江口同知元帥李志高副使王咬住亦戰沒其他偏裨死事者千戶姜潤王鳳顯石明王德未鼎王清常德勝袁華陳冲王喜仙汪澤丁宇史德勝裴軫王理王仁鎮撫常惟德鄭興遂德山羅世榮曹信皆後先戰死凡贈公一人侯十二人伯二人子十五人男六人肖像康郎山忠臣廟有司歲致祭程國勝者徽州人以義兵元帥來歸以楊完者於徽州累功至萬戶守南昌與牛海龍夜劫友諒營海